

延祐四明志

卷十三

元 袁楠 撰

學校

家塾黨庠序所來矣久文翁立博士弟子後世規制深髣
之宋用隨唐法取士率出于學校法雖有弊賢德碩輔
皆繇是出世祖皇帝平海宇首復儒役諄諄然勸勉至
矣先帝崇文尚儒慨然復立科舉學者宜益自奮勵郡

卷十三

一

延祐四明志

學教養昔論以四明為先今而後日游隋抑盛衰使然
欵觀昔得人之盛見于科目皇朝建蒙古學復立醫學
陰陽學凡四學作學校考

本路蒙古學

學在西南隅倉橋側至元二十九年命天下州郡立學
大德十年草創于茲以肄業猶未完

瞻學田土缺

官學

奉化州蒙古學

學官學正

官雖設員
未曾建學

本路儒學

開元二十六年四明始治州學寶應廣德間州燬於袁
晁之亂貞元四年王沐始建天子廟太和七年於李友
以開元褒封文宣王冊文刻石天禧二年李夷庚移學
于城之東建文煬先聖殿獨存郡人林暉首捐金錢
數十萬紹興七年仇愈卒成後為明倫堂東齋曰上達

延祐四明志

卷十三

二

廣譽造道西齋曰登賢成己時升十九年徐琛即明倫
堂之後建稽古堂堂之上舊有五經閣閣毀經亡後以
藏宋御書岳甫守郡復置成德齋後以置養正齋皇朝
至元十九年火僅存外門二十九年本道廉訪副使陳
祥即閣基立尊經閣有記二十年鄉之儒士袁力新明
倫堂至大二年舊殿以民居之弗稱副使趙弘偉勸士
重建有記復新儀門泮水東教授吳宗彥建賓序養蒙
堂在廊東史復伯吳宗彥等建

先賢祠舊有五先生祠楊杜王後增陳忠肅公豐清敏

高獻簡林待郎保汪尚書猷復增郡守六人李夷庚仇

岳甫程覃教授一人周粹淳熙中顏熙仲復祠張宣公趙師

呂成公陸文安舒文靖沈端憲楊文元袁正獻是後立

祠冗雜今不復著而九先生祠迄不敢廢王尚書應麟

始立傳為記以奉聖旨崇祀復設二亭在外門東西公

厨土祠廨舍凡學所當備具者略弗書射圃以宋孝宗

頒射義魏王判郡立今為教授廳

卷十三

延祐四明志

重建州學記 李璜

四明據會稽之東抱負滄海枕山臂江重阜崇嶺連亘
數千里其浸不淫于海而瀦以為湖山川之勝雄傑茂
異所以人材英拔比他郡為甲至于進後縫掖往往冰
玉秀整廉利好學蓋自祖宗以來名公碩儒文詞為諸
儒倡者縉紳至今誦之郡舊有學制度甚偉建炎之禍
鞠為茂草而先聖之殿謹存扶持傾歌不庇風雨荒榛
斷使址人愴然懷舊而悲為今新昌石君延慶光錫學

問淵博運中三科四方望風欽矚願執經席下以丐餘
論紹興五年實掌是邦之教事居無黌舍食無梁肉水
火器具之用凡百不備學者猶且負笈而來棲于外屋
之下弦誦之聲不絕蓋其風俗好學者如此會太守仇
公以次對出鎮恭致天子崇儒右之文之意歲時嚴奉
牲幣盛服播笏祠于庭下將事既畢延見諸生酌以酒
醴每病餼廩不充以為公私之患明年政成廼出公弊
百六十萬又丐于耆舊鄉老得錢八十萬始益賦入助

延祐四明志

卷十三

四

其供給復以辜榷廢村瓦木竹杆凡十萬九千六百有
奇益以調度之餘四百萬錢以為梓匠丹堊之費初立
重門兩序敞其後以為講義之堂蓋其東以為庖厨之
舍閑閑深麗翼飛瓦聳神位像設籩豆俎簋煥爛一新
于是泮宮之制具體克備既落成率諸生行釋奠之禮
是日鼓舞歌詠莫不稱頌仇公之德又以石君起詣之
材屑于細故針抽縷積以至于斯也竊謂古者有國有
卿必立學校蓋非苟然而已以為君子之居而禮義之

所從出也為諸侯者如此辱受成遣師以服遠人為大
夫者于此辱游燕休息以議政事執政者又從而究其
言善否曰以改行下至游士胃子編戶燕民莫不雍容
進退于斯講求先王之道皆得興于禮義及其秀傑頽
脫則又論而升之俾之為天下政事之臣此所以學校
官府初無二體而三代之上家塾黨庠遂序國學如是
之設也後世先王之道不明武吏以殺伐暴悍為能文
吏以簿書期會為重其間深文刻害便法自營者則悠

延祐四明志

卷十三

五

悠之譚指為廉正怙其鷙忍以授時好如虫食木中傷敗
冲氣卒至穿穴侵漏與本俱傾而莫之知也大抵自漢
而下承暴秦之緒維持固結之道一切主于法令劫持
天下使不能去無復父子君臣之愛一旦潰敗不可鈐
握誠以平昔用法便文之積也今承漢唐之後去古益
遠為吏者視斯民如仇讐居官者指公府如傳舍朝夕
從事米鹽錐刀之末為治之道追胥筭歛耳非復有文
學禮義之說也至尊愛勤于上隆師重傳以明先王之

道而六經之旨不行於是大夫之間處心積慮官遷留
滯而止士之游於庠序者截決經史取青纒白以待有
司之問更相告誥惟恐趨赴功名之後此道之所以不
明而先王之迹幾于熄也如是而望風俗之醇厚億兆
之孝弟忠信難矣郡之有學始曰禮義而先王遺風餘
訓標準在是為政者尚指以為不急之務亦已甚矣四
明環地千里浮屠老子之宮無慮數百區窮_極土木以享
王侯之奉然以州郡之力學校之事求數十極以庇其

卷十三

六

延祐四明志

徒而艱難勤勩積歲十數不克有成良可嘆也今仇公
適丁搶攘之際撫臨一方未及報政而公私便利風化
醇厚無厨傳過客之事而有恭儉率循之益為善者有
所持而不懼姦宄小人知所畏憚而不敢自肆是以風
帆海舶夷商越賈利原楸化紛至還來波濤龍蟠伏山谷
休靖育風怪雨不敢輒作乃能于此之時以其餘力及
於學校養良人材用異時興起太平之資其所以忠于
國家惠其儔類之意深矣又能斥其帑藏之積勉勵郡

察上下協同以致登茲其用心可謂知所先後不忘其
本者哉雖然善始者未必善能^終作者未必能述今公於
此可謂勤矣若夫因卑為高積微至著日增月益以至
熙盛則又有待于後世君子賡繼存愛之而已此則仇
公之意亦郡人所望于來者也故并書之以告紹興七
年冬閏十月甲申謹記

重修州學記 鄭耕老

國朝慶厯中詔天下皆立學按唐貞觀詔州縣作孔子

延祐四明志

卷十三

七

廟四明學區暨建炎火于兵僅存先聖祠貌有斷碣石
考唐開元封文宣王大和始立石紀所封遺裂廟經寇
毀正元四年刺史瑯琊公重建刊石文有追贊明王者
大和四年修廟亦年亦誌於石今登科記述天禧中李
侯夷庚崇庠序父老傳移學于州治東北即李也邈乎
罔究經始之日至改作續修竟與正觀慶厯相先後紹
興七年郡將仇公徽學憫建炎之危乃建門結堂翼以
齋館蕩穢披榛未遑宏固更二三紀新故等敝耕老辱

典教具聞於使君趙公閣學力欲興之未及而去越明年直閣張公下車復疏曲折以請公嗜學樂儒隨假之資鳩匠市材惟恐後蠹者撤之撓者易之傾墁埽蓋翻欄植有儼其新使人生敬以乾道三年六月辛巳始事閱月既望訖工率諸人釋菜安奉辟容畢禮厯階陞堂行揖遜講中庸申以類水士儒勸喜芹藻生春耕老職事不敢不謹書以詔將來云謹記

重建大成殿記 王應麟

延祐四明志

卷十三

八

天子初郊見之歲法駕視學謁款先聖儕曾子子思伯嚮晉建首善風四方罔不丕式彛訓越再歲吏部尚書洪公燾以敷文閣學士來牧四明秋舍奠于學顧瞻禮殿梁棟彫剝喟然曰大哉聖人之道於穆不已惠我無疆矧東漸于海遠溯洙泗簪紱之盛擬邠魯職在宣化弗惟道原自崇昌克禰明詔若嵒郡乘舊夫子廟肇自唐貞元四年至今四百八十餘年矣元氣回復理若有待明年實咸熙紀號之六年廼鳩工飾材而鼎新之穹棟

碩楹奠樂嚴故視昔有加焉某月日虔安用弊衿佩雲
集相與端拜而議曰吾邦自慶厯諸老淑艾後進乾淳
大儒闡繹正學孝弟修于家而仁遜興德齒尚于鄉而
風俗厚禮義明於心而賢才盛善性充於已而業事顯
成我者夫子也聖天子立教於上而夫子之道益尊賢
師師迪教於下而夫子之道益彰夫道者治之本其功
與天地並世之言治者謂古道不可以御今先政刑後
教化道寢微而俗滋薄眇覲天衷民彝之統紀急衆人

延祐四明志

卷十三

九

之所緩可謂知本矣昔魯僖公能修伴宮威德所被至
於海邦夫子列其詩於頌而先儒傳春秋則曰學校為
國之先務雖用民力不可廢也故不與新作南門概書
之策今公茲舉合詩春秋之義豐道扶教作新數百年
幾墜之緒盛德至善百世不忘也于是郡博士請書成
事於石應麟世家於鄞幸得從先生長者後升堂聞金
石之聲入宮墻而見宗廟之美惟游於聖人之門者難
為言曷敢贊一辭竊嘗聞之論語始之以君子終之以

君子學者所以學為君子也。凡我同志服膺聖訓陟降
庭止昭假不違上以承天子之休德下以篤師師之善
教罔俾克廣德心專美魯之多士尚其懋哉朝奉大夫
秘閣修撰新知徽州王應麟記

重建學記 王應麟

四明自唐為州始為夫子廟宋始建學規模豐敞棟宇
穹崇庠聲序音冠於左浙英俊之域紘冕所興文獻蓋
彬彬矣至元十九年春學燬於融風教授潘夢桂黃裳

延祐四明志

卷十三

十

吳宗彥史復伯歷載繕葺經始禮殿門廡齋舍寢以畧
具講堂有席養蒙有堂皆草創未就二十八年冬肅政
廉訪副使陳公祥下車謂博士諸生曰化民成俗勸學
為先嘗聞疇昔輪奐之盛意不止是盍飭工掄材以復
舊觀顧儀門庠隘弗稱從祀容服弗嚴越明年夏鼎新
高明賁飭親像六旬而畢二堂亦告成又惟斯文與天
地並立華榱岑櫻式恣厥藏因重建尊經閣五楹里士
忻然競助教授蘓君爰搏約學廩續其不給秋九月閣

成嶻峨壯偉矜佩聳瞻咸曰六經如日月陟降庭止惠
我光明恢人文以迪化原維賢使者之德請識成事於
石維諸侯之學載於禮詳矣在易臨之象曰君子以教
思無窮澤上有地猶君子之近民也近民則禮達而教
行建其教立其監有師保之義凡以存天理淑人心而
已矧是邦為詩書之鄉逸民之黃純孝之董文士之任
自漢以來為美談慶厯諸老模範後進淳熙大儒闡明
正學惟聖賢是式惟德性是尊小而洒掃應對進退格

延祐四明志

卷十三

十一

物致知目濡耳染充然有得每歲孟春衣冠濟濟齒位
秩秩司徒之教倫黨正禮飲流風遺俗猶存未墜南豐
曾公忠肅陳公繼為守貳表率薰陶東諸侯莫逮焉春
秋大復古學之復道之泰也不農不工何以謂之士非
老非釋何以謂之儒行已有耻尚志仁義士之廣也為
君子儒夙夜強學以待問儒之寔也游于斯藝于斯盍
亦踐其寔副其名乎郡國有學昉於漢二千石所察惟
曰好文學敬長上肅政教順鄉里三代考行之意藹如

也因作新之機而日新其德業孝弟忠信為根本明誠
敬義為準的始於離經辨志成於知類通達用仰承菁
莪樂育之仁不在茲時歟昔魯僖公能修泮宮教澤浹
乎海邦其俗秉周禮守經學一變至於道聖人稱之誰
謂魯遠道無古今師友淵源緒接洙泗頌其詩尚論古
之人罔俾克廣德心專美魯之多士凡我同志懋敬哉
歐陽子有言善教者以不倦之意須遲久之功禮行俗
純然後為學之成迺紀其始以詔永久焉俾無怠

延祐四明志

卷十三

十一

大成殿記 任仲高

聖天子即位首崇學校務作養人才以備選擇德至渥
也海內士莫不感激思奮期以奉明詔惟四明古名郡
夫子廟學甲東浙壬午既燬有損所居堂以為殿見謂
庠隘復不以時修葺凜乎其若壓至大己酉夏六月廡
訪副使趙公宏偉慮囚竇來環顧歎息上方向用儒術
世隆加封之典而廟祀弗稱非使以昭尊事宣教化此
固吾職與教授蘓君塏謀督租入搏用費學官輸俸諸

生輟供儒人之在籍者助有差龜吉考度鳩匠庀工物
直相得而木石川派地效其良勞逸惟均而丁夫雲集
人盡其心羣材既豐衆作咸秩初梓人以圖上一如公
指授毋襲前陋毋侈後觀崇賢去浮於以示教視前高
尋前廡之廣半之既禮行而周旋有餘地樂作而縣設
有定所匪亟匪徐有嚴有翼閱麗靜深志遵禮制法宮
既正爰及黌宇藏書有閣肄業有齋講堂殿十楹周垣
數百尺棟屋之撓壞瓴甍之殘缺丹堊之漫漶或易而

延祐四明志

卷十三

十三

新或因而理勿為苟完以植永固萬目聳瞻於前列有
光焉既告成功我公蒞止祇謁薦誠用荅嘉貺乃揖長
老招諸生而進之曰庠序之設古今攸重非直為觀美
也蓋知所以為學乎學者合內外之道自謂開物成務
而無本則非治自謂窮理盡性而無用則非學本諸心
體諸身徵諸庶民堯舜行此道千載而上所以為唐虞
夫子明此道千載而下可以為堯舜布在方策炳為日
星學者所宜用力于此有閣傑然高明廣大尚友古人

母使簡編之富徒資蠹蝕也有齋廓然藏休游息相與
琢磨母使羣居之樂適滋玩愒也有堂巍然正席而講
環坐而聽母為口說之勝而耳學之淺也由是得其門
而入見宗廟之美百官之富源深流長器大用宏窮而
其志足以守達其才可以有為忠信之行漸被鄉閭詩
書之化陶冶萬物立太平之基垂無窮之聞此夫子之
道學者之事寔聖朝加惠學校之至意也僉曰謹受教
願刻石以詒來學且識其顛末公通古今知所先後

延祐四明志

卷十三

十四

嘗有德於湖湘之民退而以道自娛樂者十年上謂是
足司吾風憲者問學以明禮為宗政事以敦化為要蓋
有本者如是是役經始至大二年十月庚申越明年三
月丁未乃備先年營董之責者非一奉化州判官程時
敏寔竟其事以材選教授蘓君承積馳之餘以職業受
知成駿舉亦克世其家者皆不可以無紀

九先生祠堂記 王應麟

古之鄉先生祭于社近世祠于學社所以養學所以教

而教之功尤大秉彝好學之良心百世猶旦暮况其邇者乎頌其詩讀其書尚友古之人非一鄉之望也天下之望也四明鄉先生有九人焉宋慶厯建學之初楊杜二王樓公以道德文行師表後進或受業鄉校或講道問塾衣冠文獻益盛以大五先生之功也淳熙之沈楊袁鄭諸公以尊德性求放心為根本闡繹經訓躬行實踐學者知操存持養以入聖賢之域四先生之功也郡泮舊有詞因鬱攸之費至元甲午季冬朔旦廉訪使者

延祐四明志

卷十三

十五

狄公桂屬郡博士戴君友始復誌祀觀者興起貞元丙申月正元日廉訪使者完顏公貞至學宮謂祠于隘陋未稱相攸尊經閣之右規模一新府牧月列公提其綱帥屬協力庀事以迄為成妥侑如禮多士訢訢周爰咨訊章善扶教以穀我子弟惟二使者之賜亦惟承流宣化之賢立師道以美風俗皆宜書凡我同志盍亦修孝弟忠信尚禮義廉恥學必正大學必篤敬式時前哲訓用對作新之盛德可不懋歟

重修先聖廟記 袁楠

河南鄆侯視郡事之初首定役法郡民日困差事旬月
按覈數常不登鄆侯知其奸利廼言曰病在私商潛轉
輸其所贏餘卒不入公籍民病不可藥也於是罷買區
分四廂俾總之鱗鱗豉脯各趨其時視計口之授畧相
等復竦然曰吾職司學校茲曷可少緩督大小學謹授
業斤其偽冒以其餘粟大修孔子廟于是進郡博士陸
晉之學正錄胡禾毛明德而言曰漢文翁立學歷唐宋

延祐四明志

卷十三

十六

幾二十年猶完繳君等知其故乎少間曰教在不墜其
廢在繕修廼曰若殿若儀門風雨剝圯在丹雘先聖崇
巖列祀肅雝在作繪定章服在禮象又曰講有書堂有
樓吾亦曷敢後姑徐徐為之吾願俾是邦服習仁義秀
文林立遣詣王廟將自茲始稍繇禁署歸里凡三年愛
中和樂職之詩首為詩以詠贊侯名郁字文卿所至官
以興學為本詩曰茫茫海甸聿仁義邦圭組績榮失其
敦龐亦云徂夸侈則降維侯之來靡瘼不知曰維水宮

風化攸基竦其具瞻象神之儀藻井繪櫺絢采承式降
陟有嚴是奉是翼匪土木之工職教攸則瞻彼戟門有
飛戾止斯翬煌煌五采屬纏鏘鏗八音粲曰在耳嗟爾
後生無媮以誕無逸豫伴真遵我侯度以靖以獻奉璋
有哉伊侯之願

瞻學田土

田一萬三千六十六畝三角三十七步一尺五寸上岸
田四千一百二十五畝五十八步一尺五寸官湖田八

延祐四明志

卷三

七

千九百四十一畝二角三十九步地六百一畝三角四
十九步山一萬二千二百畝二角三十二步河塗六百
一十七畝三角三十步

砂岸

石衙山

宜山

秀山

洋山

蝦康

鱟塗

烏沙

洋務

大嵩

大小塗

淫口

雙巖

杉木棧

新婦巖

石壇山

穿山團局

卓家岸

徐公山

沙角

鄞縣田一萬一千七百三十畝一角五十二步尺地一百五十九畝二角一十步山一萬一千四百六十七畝一十七步三尺

沙岸

奉化州田四百五十四畝一角二十七步一尺五寸地三百九十畝二十四步山五百五十一畝三角四十二步

延祐四明志

卷三

六

砂岸

昌國州田三十畝三角一十九步地八十三畝一角二步四尺五寸山九十七畝三角一十八步三尺

砂岸

慈溪縣田五百五十三畝二角四十三步五尺山八十三畝三角一十四步

定海縣田二百三十三畝二角三十五步三尺地一十九畝一角二十四步

砂岸

錄事司地五畝三角二十六步三尺

紹興路蕭山田四十三畝二角四十二步歲收錢糧鈔
中銃鈔二千四百四十八錠二十九兩米二千一十石
八斗五合一勺穀一千四百七十石七斗八合七勺五
抄魚鱉三百斤

鄞縣鈔中銃鈔地租鈔中銃鈔一錠一十四兩八錢二
分山租錢中銃鈔河塗錢中銃鈔三定七兩七錢二分

延祐四明志

卷十三

十九

砂岸大嵩橫山中銃鈔一定四十兩米一千六百九十
石六斗二升九合二勺八谷六百八十三石九斗二升
九合七勺八抄

奉化州鈔中銃鈔三定四十五兩七錢地租錢中銃鈔
三十五兩九錢山租錢中銃鈔一定二十九兩八錢砂
岸淫口雙嶽錢中銃鈔一定三十兩米二石六斗二升
三合九勺谷五百六十三石五斗八升二合四勺七抄
昌國州鈔中銃鈔二百一十八定二十兩地租錢中銃

鈔八兩山租錢中統鈔一十二兩砂岸錢中統鈔二百
一十六錠二十五兩魚鱉三百斤石衙中統鈔一百四
十六錠魚鱉三百斤宜山中統鈔五十錠烏沙洋務中
統鈔三錠洋山中統鈔二十五錠內教授薛基任內經
理到二十定教授吳廷獻任內增羨到山民陳端等租
鈔五定

慈溪縣鈔山租錢中統鈔一兩米二百一十三石八斗
四升六勺五抄穀一十三石二斗七升九合五勺

延祐四明志

卷十三

二十

定海縣鈔中統鈔一定四十一兩三錢八分地租錢中
統鈔一十一兩三錢八分砂岸大小塗中統鈔一定三
十兩內元祖一兩^之二十兩教授吳廷獻任內增羨一十
兩米六十五合^石六斗五升一合七勺七抄穀一百九十
五石五斗八升七合

象山縣鈔中統鈔二錠四十四兩五錢地租錢中統鈔
四兩五錢砂岸石壇新婦嶼杉木椿中統鈔二定四十
兩內元祖二十兩教授吳廷獻任內增羨二定二十兩

錄事司地租錢中統鈔二定一十六兩五錢內元祖一
定三十八兩五錢教授吳廷獻任內增羨二十八兩
紹興路蕭山縣米二十七石六斗二升

續置贍學田土租糧教授薛基任內買到田上岸田六
十一畝二角二十一步鄞縣田五十五畝二角四步定
海縣田六畝一十七步租糧米二十四石六斗四升穀
八十石六斗九升鄞縣米二十四石六斗四升穀六十
七石二斗三升定海縣穀一十三石四斗六斗

延祐四明志

卷三

三

屋宇

大成殿五間至大二年浙東海右道肅政廉訪副使趙
公宏偉本路提調官治中呂巴延特穆爾教授蘓塏奉
化州判官程時敏董其役乃合士友出金助之起建從
祀廊二十二間至大二年教授蘓塏任內重建延祐六
年教授吳廷獻重修

明倫堂在大成殿之後至元二十年史復伯以省命相
學教授目其卑陋湫隘首捐已資與在學儒人相與助

成為屋計三十六楹皇慶二年教授卓玟重修
齋舍景定年間居民不謹火近學宮郡守厲文翁用官
軍救護僅成德一齋不免隨即補葺咸淳七年郡守劉
黻復明德齋為養正齋皇朝至元十九年浙東儒學提
舉司田希亮增達材英育兩齋通為十齋又數年復為八
齋扁本道廉訪副使侍其公君佐書東曰造道廣譽上
達成德西曰時升登賢成已養正列于兩廊延祐七年
春教授吳廷獻重脩

卷三

三

延祐四明志

尊經閣在明倫堂後至元二十九年本道廉訪陳副使
祥監治慶元屬教授蘓焱主其役敦勸儒人重修仍舊
址也延祐七年教授吳廷獻復行修葺

儀門至元二十九年本道陳副使祥命學錄姜材之視
工重建

賓序五間在泮水池東至元二十七年教授吳宗彥副
建即舊魁星樓基也皇慶二年秋教授卓玟修葺

養蒙堂在東夾廊之東至元二十八年教授吳宗彥奉

上司明文設立小學相副教授史復伯率族人以本族
五鄉磳序拜亭五間撥入本學建立扁曰養蒙堂廉訪
副使高公伯元書皇慶二年秋教授卓玟重修
先賢祠一所在尊經閣之左以奉鄉里先政達官有功
於學者皇慶二年秋教授卓玟重修
允先生祠一所在尊經閣之右以奉慶歷淳熙鄉達九
先生之祠前進士王應麟為之記

土祠在儀門東街之東大德七年教授趙孟節建延祐

延祐四明志

卷三

二十三

六年教授吳廷獻重行修葺裝繪神像

倉殿五間在泮水池之西至元十九年教授潘夢桂建
皇慶二年秋教授卓玟修

泮水池東西街宋咸淳中教授孔景行陳元亮以磚後
易廢改甃以石

學門三間在泮水池之外宋咸淳四年郡守洪燾重修
石墻自櫺星門東西至碑亭後元貞元年教授戴友建
櫺星門三座宋淳熙戊戌太守趙善湘教授黃一震建

延祐七年教授吳廷獻任內重修聖旨碑亭二所在櫺星門裏之西元貞二年教授戴友建

教授廨舍三間在櫺星門裏西石墻內即教授廳西故
基至大四年教授卓琰重建延祐十年教授吳廷獻重建

東廨舍三間在廳事之東至元十九年教授潘夢桂建
至大四年十月教授卓琰重建延祐^{七年}教授吳廷獻學正
李慎重修

延祐四明志

卷十三

二十四

射圃宋淳熙元年宋孝宗頒義于天下魏王判府三年
冬度地築圃學宮之前凡六畝四十一步三分三厘五
毫有亭曰觀德校官虞汝翼記于石嘉定三年亭之南
北建屋二十三間收僦居之祖寶慶二年校官方萬里
恐地久浸失疆界計其丈尺埋石以藏之紹興四年教
授陳松龍申府復故址建墻宇規模為之一新丞相申
國鄭公清之題匾今皆廢其地即今教授廳也
廳事一所在櫺星門裏延祐四年教授薛基匾曰明德

今為治事之所延祐七年教授吳廷獻任內重修
草庭一所延祐五年教授薛基建東西碑樓各一座

祭器

銅器二十一項

舊有七項

象尊二隻

犧 三隻

罍洗四隻

龍勺七隻

爵二十四隻

大香爐一隻

延祐四明志

卷十三

二十五

小香爐一十

新置一十四項

年置到

太尊二隻

壺尊六隻

山尊二隻

著尊二隻

象尊四隻

犧尊四隻

豆八十二隻

簋一十五隻

簋一十五隻

龍勺八隻

中樣花瓶一副

大樣香爐花瓶一副

玷四十柒片

爵一百一十隻

奠盆五箇

鐵器

大香爐一隻

木器

俎一百三十隻

豆一百三十隻

玷三十片

竹器

延祐四明志

卷十三

二十六

籩六十二隻教授吳廷獻任內置到

篚箱五隻

幕布七片

拜席十三領

樂器

銅編鐘一十六

石編磬一十石片

瑟二床

琴一十張

笙二攢

簫二架

埙六箇

二枝

簫二枝

祝一座

鼓一座

搏拊二箇

鐘磬架二座

麾竿一條

琴瑟桌一十隻

鐘磬琴瑟匣十五箇

碑刻一十座

重修學記一座

儒戶勉役一座

先聖加號一座

重修大成殿記一座

學官題名一座

復洋山沙岸據一座

延祐四明志

卷十三

二十七

學校一座

九賢祠記一座

勿欺一座

隱德堂記一座

九經書板一千一百六片

不全

書籍

注疏九經五十七冊

互注九經一十六冊

大字四書一十一冊

不全

四書集成二十九冊

不全

四書纂疏二十一冊

春秋左傳一十六冊

南軒語孟說三冊

不全

東萊尚書解四冊

不全

詩緝一十冊

公羊穀梁傳七冊

論語集註九冊

周易本傳三冊

晦庵語孟八冊

大學纂疏一冊

通鑑綱目二十三冊

不全

通鑑

一十三冊

通鑑精義二十一冊

不全

九朝通鑑二十五冊

紀事本末四十二冊

編年二十四冊

通鑑一百三十冊

續通鑑五十冊

北齊書一十五冊

南齊書二十冊

延祐四明志

卷十三

二十六

南唐書五冊

宋書六十冊

梁書二十冊

陳書一十冊

周書一十五冊

魏書六十冊

唐書六十冊

晉書五十冊

南史四十一冊

北史五十一冊

五代史二十五冊

讀史管見一十冊

張子西銘一冊

老子道德經二冊

周子通書二冊

莊子南華五冊冊

韓文集一十九冊

周子太極圖二冊

元次山集二冊

唐溪太全集五冊

山谷集四十冊

東坡應詔集二冊

二蘓應詔集四冊

王公文集一十三冊

柳文集二部共三十五冊

蒙齋文集九冊不全

范文正公集六冊不全

劍南續藁一十九冊

白氏長慶集三十四冊

渭南文集一十一冊

紫陽文集六十冊

延祐四明志

卷十三

二十九

東坡大全集二十七冊

杜詩一十二冊

麗澤詩集六冊

山谷詩註五冊

東坡詩註一十二冊

后山詩註三冊

大學衍義六冊

職官分紀一十二冊

論衡七冊

三朝言行錄五冊

朱子語略五冊

四朝言行錄四冊

萬花谷二十冊

五朝言行錄三冊

續四朝言行錄四冊

姓氏詳證一十三冊

西山讀書記二部共四十四冊

讀書記一十五冊 不全

經濟奏義三十二冊

藝文類聚二十冊

宋朝文鑑三十七冊

孔白六帖一十七帖

續文章正宗八冊

事類合璧一十冊 不全

高學士祠堂記一軸

舊四明志書一十二冊

續四明志書六冊

抄籍儒人一千九百二十七戶

設官

卷十三

三十

延祐四明志

教授一員

學正一員

學錄一員

鄞縣儒學

鄞縣學始創于唐元和九年其地在縣之東宋崇寧二

年移於縣之西南後燬於建炎四年之兵嘉定十三年

邑簿呂康年以舊址陝溢有請於丞相史彌遠命郡守

俞建相地擇所以寶雲寺西不隸將威果指揮廢營更

之創禮殿設跪像然亦未大備寶慶二年尚書胡榘守

郡捐緡錢出楮券輟市舶之贏率里士之助經營有成

堂曰養正齋四曰習說曰辯志曰觀善曰敬業凡縣之士肄焉至元十九年儒學提舉田希亮按治增置二齋曰育英曰進德二十六年郡城災惟茲學巋然獨存二十八年浙東道肅政廉訪副使陳公祥分治於明以舊殿將圮徹而新之易跪像而坐焉塗墍丹雘增煥聿新縣丞王公閏董其役至大二年正月復燬於火是冬縣丞賈思恭以廉訪副使趙公宏偉之命一經營之縣尹張繼祖繼之後同知張伯延成之

延祐四明志

卷十三

三十一

請杜醇先生入縣學書 王安石

人之生久矣父子夫婦兄弟賓客朋友其倫也孰持其倫禮樂刑政文物數制事為其具也其具孰持之為之君臣所以持之也君不得師則不知為君臣不得師則不知為臣為之師所以共之也特君不知所以為君臣不知所以為臣人之類其不相賊殺以至於盡者非幸歟信乎其為師之重也古之君子尊其身恥在舜下雖然有鄙夫問焉而不敢忽歛然後其身似不及者有歸之

以師之重而不辭曰天之有道斯固將公之而我先得之而不推餘於人使同我所有非天意且有所不忍也安石得縣於此踰年矣方因孔子廟為學以教養縣子弟願先生留聽而賜臨之以為之師安石與有聞焉伏惟先生不與古之君子者異意也幸甚

再書

惠書何推褒隆而辭讓之過也仁人君子有以教人義不辭讓固已為先生道今先生過引孟子柳宗元之說

卷十三

三

延祐四明志

以自辭孟子謂人之患在好為人師者謂無諸中而為有之者豈某人謂我彼宗元惡知道韓退之無為師其熟能為師天下士將惡乎師哉夫謗與譽非君子所恤也適于義而已矣不曰適於義而惟謗之恤是薄世終無君子惟某人圖之示詩贊而無邪亦足見仁人之所存甚善甚善

重修學記

王應麟

鄞在漢為鄞屬會稽郡唐屬明州建夫子廟於縣東五

代改鄧為郡宋始立學王文公安石宰縣因廟為學校
養縣之子弟風以詩書衣冠鼎盛後遷縣西南兵燬久
未復主簿呂康年請于郡相舊址創禮殿設跪像堂曰
養正為齋者四至元十九年增二齋二十六年郡城災
茲學歸然若魯靈光斯文未墜道其泰乎二十八年濟
南陳公祥為肅廉訪副使分治於明崇庠序之教明年
新郡學顧邑校風摧雨圯椽楹將壓殿雖更坐像庠陋
未合古制爰命撤舊宇而新是圖夏六月鳩工經始規

延祐四明志

卷十三

三十三

模崇閎視昔增煥縣尹張君孝安提其綱丞王君閏捐
祿米以助主簿任君謙亦贊畫焉多士競勸佐厥費事
鉅用不給檄縣以義役租續之揭石為門六扇有伉掄
材為殿隆棟翬飛清池泱泱芹藻春意自堂及序以次
繕修實惟禮樂之使居德善俗啟迪化原以恢宮牆之
壯觀逢掖來遊誦公教澤永無斁始教諭趙必變庀役
未克就嚴得桂繼之出私橐帥先吳應酉聯事協力既
成請識石章應麟居是邦不敢以耄疾辭惟古者百里

有師教以道藝孝弟仁義斯民也三代所興共學也閭
為左右塾黨以正齒位時會於州序去民愈近施教愈
密自武城弦歌弗聞急蘭絲而緩教化先政刑而後詩
禮若密令舉善而教新城長延聚生徒何其寂寥哉無
以表倡之也我思古人有行部先即學宮見諸生試論
有行縣學宮處士執經對講誰其嗣之賢使者新斯學
也豈徒媿宮室云爾將新士以新斯民也昔鄆有杜先
生醇學行望一鄉縣大夫再書然後起其書謂斯道我

延祐四明志

卷十三

三十四

先得之必推餘於人願賜臨以為之師其自重難致如
此師道立善人多淵源有自為師者盍以為法乎鄆士
漢世僅一見虞仲翔之言可考也陸士龍祿鄆之俗禮
節恭謹蓋素履行願修其天爵是為人德之基進道之
階自學校之建俊彥興起鄉先生前後九人其四出於
鄆皆以忠信為本踐履為寔仰高蹈景其人若存為士
者不自勉乎師知所以教士知所以學朝而受業晝而
講寔夕而復習思無愧于儒之名前哲有云學所以學

為人學為君子學為忠與孝也服膺三言是訓是行化
海瀕為洙泗以一邑為天下式將自吾鄞始謹書其事
誌夫數學者式克用勸三十年秋八月壬寅前進士王
應麟記

鄞縣重建學記 袁楠

粵昔空虚固陋之學淪于人心言理者人人殊師記問
者質而不化辭章篆刻滅裂六藝靡爛而不可救師儒
有憂之據道德性命之要毫分縷析鑿鑿乎其不可相

延祐四明志

卷十三

三十五

紊也由是士得以一其視聽皇王之道復興於千數百
年之後可謂矣世祖皇帝混全區夏崇學校定國子學
成憲皆東南儒先而朱文公所說咸取以為經史模楷
於是窮徼絕域中州萬里之內外志家有其書然而急
近功者勦取其近似以為口耳之食天人禮樂損益消
長切於施為所宜精思而熟考者一以為凡近紆緩而
不講至於修身養心或相背戾而不相似則緣飾儼默
翽之莫有窺其浚際夫明絕學以承先聖之統可謂難

矣弊生於簡易守其說而湮其本將不勝其弊載籍甚
博莫嚴於五經教人之法莫詳於三物揚子雲云邱陵
學山而不至于山嶽惡夫畫也今州郡志置廟學真謂
講說循襲條制而職教之道似若有未脩焉者鄆舊有
學王文公安石為宰時延會稽杜先生醇教之學者輩
出至大二年郡大火學燬之主邑之學曰孔文雋董儒
金始建講堂禮殿未完而去皇慶二年三衢姚熙載實
來是歲天子下科舉詔同知郡事吳郡張伯延顧瞻陋

卷十三

三十六

延祐四明志

蕪首曰其何以稱上意乃率郡官而助之邑今梅君遇
春丞簿龐君滋范君祐咸曰吾長於是茲役曷可緩嚴
工庀程戒隸業者咸輸以佐閱二年夫子象成侑從有
序門廡庖庾塗膜繚繞之屬堅密精梁學宮之制完且
具矣姚君乃曰鄆號多士昉杜先生宜作先賢祠以祀
鄆士之興其自今始乎嘗謂學校宮室循行風俗之使
者未嘗不督勵修繕獨教法未定雖聰明自任獨不敢
高下以議今明詔四出郡侯首創其原姚君又能推本

前人尊師之旨深有所寓雖官朝廷因姚君之請知張侯之美遂學校之弊首叙其說庶幾吾里之秀士其強敏自修者詢考者哲篤行於顯微內外之實文質交資上承詳延將以復乎昔時衣冠之盛則姚君之闡微猶昔賢勸道之意也庸刻于石願有以俟焉延祐元年四月十六日記

又

延祐元年楠記興造矣甫一記職鄞學者裕蒼林君傳

延祐四明志

卷十三

三十七

以事狀未元昔之經度踰於舊址廩入不給故其結構塗墜缺焉未周鄞之尹曰阮君周翰治縣未幾有恪殿謁首以興繕為急割俸以勵儒生於是步履有甃繚繞垣墉龔以密石華以堊丹象設有嚴講席齋廬足以稱弦誦而從祀一百有五悉易以塑合儒先之宜祀者為祠以庇少間曰既完矣盍廣教以振士類立小學師二人而增弟子員凡五十人泰定三年二月朔告成復命

原關

延祐四明志

卷十三

卷十三

三六

三六

從祀廊屋東西各九間

櫺星門三座

泮橋

講堂三間匾曰養正

躬齋三間

延祐四明志

卷十三

育英齋三間

辯志齋三間

進德齋三間

田產

元管田七百一十八畝三角三十七步五尺地二十畝

三角四十五步魚蕩一所

續收田一十畝陳學正捨到

錢糧

趨廊東西各二間

泮池

土祠一間

東西過廊各二間

習說齋三間

三十九

觀善齋三間並列于東

敬業齋三間

養蒙堂三間已上皆燬於至大二年

米元收一百五十四石三斗七升一合九勺增收三十
二石三斗五升

鈔中統鈔一十九兩

基地一十五畝二角四十五步

祭器

木爵一十五隻

籩七十八隻

豆三十二隻

坩一十九片

俎二十五

木勺二箇

延祐四明志

卷十三

四十

幣箱五隻

簠一十隻

簋一十隻

篚七隻

抄籍儒人三百三十五戶

設官

教諭一員

奉化州儒學

州學州東二百步宋景祐中邑令于房廣夫子廟以立
學宮治平初令裴士堯遷廟學州東久而圯宣和初令

周固重建燬於建炎至紹興九年令宋彛復建久又圯
慶元二年邑士汪伋徹大成殿及門廡一新之鄉之好
義者與協力而彛訓堂東西六齋成至元二十年堂以
颶仆復建明年新兩廊儀門主維者令李天益也至元
二十九年丁縣尹濟創養正堂教育小學延祐六年知
州馬稱德到任復修建學宇增廣田土計田六百四十
三畝二角四十步地三十二畝二角一十八步山二千
二百六十二畝一角四十四步

卷十三

四十一

延祐四明志

瞻學田土

田一千二十三畝一角八步地一百六十一畝一角五
十一步山四千六百五十六畝三角三十三步

歲收錢糧

鈔中統鈔一十九定四十兩七錢五分絲一百三十五
兩九錢重小麥七石二斗八升烏豆五斗米三十四石
一斗六升白米一十八石五斗二升紅米一十五石六
斗四升穀一千四百三十二石一斗四升八合

屋宇

櫺星門三座

東西門二座

學門一座

儀門三間

大成殿三間

從祀東西廊各六間

六齋六間

彞訓堂五間

朱文公祠堂一間

三先生祠堂一間

養正堂五間

覺後堂三間

參前亭一所

土祠一間

延祐四明志

卷十三

四十三

倉屋五間

公厨一間

小學果行育德二齋各三間

後堂軒五間

樂器

知州馬奉議資遣儒人往
蘓杭收置敦請樂師教習

編鐘一十六口

編磬一十六片

四片 編磬

琴一十張

瑟二床

笙四攢

鳳簫二架

管簾共四枝

搏拊二箇

祝一座

鼓一箇并座

埙二箇

四箇

鐘磬條三十六條

瑟朱絃五十條

琴絃五十條

搏拊條二條

流蕪條四條

流蕪綠油鈹蓋二十箇

五色線二十兩重

瑟上鴈柱五十箇

琴軫足一十副

鐘磬架二座

龍頭四箇

羽孔鵲一十箇

羸屬羽屬四箇

延祐四明志

卷十三

四十三

瑟匣二箇

鐘磬匣八箇

琴瑟桌六張

鐘磬祝槌六件

抄籍儒人六百五十七戶

設官

學正一員

昌國州儒學

學舊在州東一百步宋熙寧八年縣令張懿文建元祐七年簿尉顧復經又徙而東四十步淳熙十二年令王

沈徙于丞廳之南後未竟去官令錢棟維其事嘉定甲申令趙大忠葺治增益袁正猷公變記云

闡斯道之興發是心之良而輔成國家之風教者其維學乎夫學之於人猶食之有穀粟猶衣之有桑麻也豈可一日闕哉四明之有昌國海中一島也厥地狹矣而士生其間俊敏逸羣脩潔自將者時時有之其質美矣加以切嗟培植之功孰能而禦之前乎此非無賢令尹也而教養一事多闕而不備豈不知當務之為急哉其

延祐四明志

卷十三

四十四

興若廢與兵刑財用不同非有朝家之威命大吏之督責姑徐徐焉未見其獲戾故雖有所興為不過一二焉而止此其勢然也若夫發於誠心無所畏慕而自為之其度越他人顧不遠哉今承議郎趙侯清獻公之裔孫也典型猶在喟然興歎曰事豈有不可為者哉力或不足痛節冗費可也檢柅吏奸毋俾滲漏可也義所當為勇于必為可也士有餘力資以為助可也如是而後其用足矣左之右之莫不如志而建學之規模在其中矣

或固其故而葺治之或創於今而增益之曰殿曰堂屹
然中居曰齋曰序翼然旁列門庭由是壯焉像設由是
崇焉祭器祭服由是作焉廩廩以儲之垣墉以衛之承
學之士皆得優游涵泳其中而又課焉試焉以警衛之
鳶飛魚躍咸受其賜無有終極可不謂盡於其職乎且
安南一小郡耳而東坡蘓公記學之成稱其甲於江西
禮殿講堂視大邦君之居典領得人能使其居官此理
固然也今侯之所為其亦若是也夫雖然侯之設心非

延祐四明志

卷十三

四十五

獨茲事也嚴其報之典則冢土是崇恤窮乏之民則委
積是豐戶籍之要所以窒欺偽也海步之就與夫嶺路
之夷又所以便往來也凡有益于民者是究是圖如恐
不及矧夫禮義教化之宮其汲汲也宜如之何侯名大
忠三衢人擢進士科居官所至可紀無厭忝祖矣余是
以深美之

大成殿三間自遷學後殿宇頽圯宋淳祐丁未

令沈壜重建記

王應麟

淳祐紀元之六年聖上首善崇化以四方風綠宇穗書
敷貢雖類庠聲序音丕冒出日昌國大夫沈齋始至謁
校宮時禮殿之建適六十禩年矣朽蠹弗茸諸生進而
言曰學肇基於治縣之東淳熙間王令沅遷於芙蓉洲
西挹秀涵清氣勢閱偉俊人魁士含章挺生道原文脉
寔繁茲殿盍鼎新之對敬雲漢作人之休德君曰承流
宣化職也敢不祇若嗇用鳩工士懽趨之參預應公嘉
其意諭帥守顏公佐以郡少府錢經始於明年莫春越

延祐四明志

卷十三

四十六

季夏殿成般爾獻公枚枚奕奕貌像惟肖如臨沂泗侑
坐服食端章儼赫陟降庭止式禮莫愆冠進衣逢瞻儀
興敬觀摩麗習文風藹如明年君入監左帑相與祠於
學既十年諸生思之請著石章應麟鄞末學也辭勿獲
嘗讀臨之象曰君子以教思無窮夫澤上有地猶君子
之近民也近君則教彌數故周官族閭之讀法視州黨
尤密今之學郡修而邑弛為吏者急而化緩期會訟獄
日鯁鯁畏百適慮不越几按而夫子宮牆湯不省健者

舞知怠者視廡弁髦武城蒲密之言而諉曰難治教化
不明醇澆朴散治不愈難與然非獨今日也漢東京儒
雅寂盛令長垂意學校者惟宋均楊仁者著於傳何其
寂寥哉沈君能急所緩喟然興於學可謂知本者昔孔
子慨道不行託興於浮海是邦近天子之光家詩書人
孝弟吾道其行矣縣大夫雖不宿其業以俟道化之成
後之君子勿替引之率時髦士規聖矩賢毋以小成自
畫學必正大志必高明言必仁義行必篤敬進而經綸

延祐四明志

卷十三

天下之大經退而居賢德善俗俾耆老搢紳顧瞻楹桷
肅然改容曰此賢令教思之德也將見立於朝者為臯
稷入其里者比鄒魯尚當墨筆以頌化民成俗之功云

講堂宋嘉泰三年令葛洪建匾曰申義參政樓
公鑰書申義堂三大字并為之記云

東陽葛容父洪為昌國令葺縣庠之講堂名曰申義求
書其匾余喜葛君之政之先務又樂其名之佳既為之
大書矣又欲為之記余分教永嘉時作序齒文以示諸

生其畧曰孔子稱甚矣魯道之衰也洙泗之間申之以孝弟之義頽白者不負戴於道路矣夫洙泗之間行者相避何以為魯道之衰敬庠序之教何與其道路之負戴者及究其說漢地理志云魯瀕洙泗之水其民涉度幼者扶老而代其任俗既益簿長老不自安與幼者相遜也徐廣文曰蓋幼者患苦長者長者忿愧自守故斷斷爭辭故以為衰也。想其盛時老者晏然為父兄之後子弟無復相遜。夫子所謂老者安之殆為此也。孟子亦

為孝弟既申則頽白負戴少者自當代之噫後世教養士子以科舉得人之多寡為庠序校之盛衰者歟古意豈不遠甚昌國甬東也民以漁鹽為業近世儒風日興而猶未盛葛君崇教化以善其俗一聞余言則曰此明唐之本意也始余從弟鏞尉東陽而歸余啟得人之問以容父為稱首茲為鄉邑治聲固已卓然又將興學化民以幾古人之誠意非文法吏所能為者齊變之魯魯變至道顧不在茲乎鏞既為之記而命鏞弟題其上越

明年慈湖先生楊簡復記於其後嘉泰四年春昌國葛
令君訪簡於慈溪石漁對語從容及邑學忽作而言曰
名學之堂以申義願簡申之簡欣然奉命令曰此人心
所自有惟申而明之爾簡於是邑喜令言至當厥明叙
而書之孔子曰人者天地之心又曰心之精神是謂聖
孟子亦每每道性善又曰仁人心也大哉斯言蓋萬世
人心所自有之靈人孰不愛其親有不愛其親者非人
也人孰不知徐行後長有不後於長者非人也此人所

延祐四明志

卷十三

四十九

自有也不學而能也不慮而知也心之精神是謂聖果
如吾聖人之言也其有不然者非其心之罪也惟民生
厚因物有遷感於物而昏也心之象神無方無體至靜
至虛明變化而無營禹曰安汝止明其本靜止也舜曰
道心明此即道也夫孝天之經地之義人之行事親事
長乃天地之心列聖之道可不自知自敬乎

重修學記

青社韓侯蒞是州踰年顧瞻學宮頽圯日至喟然歎曰

化民成俗必有學始爰相厥攸鈞稽逋負治其島祖壑
其間田完整是先恭定元年十月甲子役興用工二千
有八百計緡錢二千五百匠石日食之費則諸生欣輸
以助于是殿堂門廡齋庖池徑咸得備具謂榘繇翰苑
歸俾記其事榘嘗聞之先儒以明理為綱領譏試漢唐
不少假漁洛之說盛行誠敬忠恕毫分縷析一以體用
知行概而申之繇是髫齡之童志能誦習高視闊步轉
相傳授禮樂刑政之具訟獄兵甲之寔悉有所不講哆

延祐四明志

卷十三

五十一

口避席謝非所及言詞之不工則曰吾何以華藻為哉
考覈之不精則曰吾何以援據為哉吾惟理是先惟一
是實科舉承踵駸駸乎魏晉之清談疆宇之南北不接
乎視聽馴致社亡求其授命死事率非昔時言性理之
士後之學者寧勿致論而循其故習者哉昌國惟四明
海州^中士之興起自紹熙始著樓宣獻公袁正獻公楊文
元公尚書深寧王公嘗記其建學論堂之本始楊雄有
言曰百川海學而至於海蓋喻者也昔之以訓詁之精

及夫名物度數之密由小成至於大成非積年不能以
至州官三物之教詎止執一而以為傳道之要殆不可
也委派安行由蹇而達訖歸于海學之功也侯名搏字
仲舉既興其學迺復儒役以為大比之勸學之士子寧
不自勵敢執筆矣俟是役也州之長布延托噶同知黃
棟孫判官張信吏目陳益州學正孫恕皆贊叶其事泰
定二年二月癸卯具官袁楠記

延祐四明志

卷十三

五十一

提舉司添置二齋曰明善曰立禮其實析四齋之屋為
之

小學學東廡之南舊名親仁齋歲久不治元貞乙未州
判官馮福京重行修葺蓋匾曰育德堂專以為訓蒙之所
請鄉之耆宿郭薦應季挺仕教導焉

臺門舊有五間圯壞久矣至元甲申重建聶教應季挺
實董其事改匾州學二字

櫺星門舊植六柱啟六扉歸附後門遂不存元貞元年

州判馮福京重建存禮制也

祭器舊所存者歲久剝敝簡陋弗完宋進士趙若讓訂禮經參以紫陽朱子釋奠圖更視他學稍整今多捐闕未有能新之者

籩六十

豆九十

簠三十三

簋三十二

篚五

杓七

玷二十六

奠盆十五

延祐四明志

卷十三

二十三

罍二

洗二

幕布七

几十二

黃絹帳

燭臺二

木楪一百二

禮服

禮冠十

禮服十

中算十

珮十

錢糧田土

舊管水田五百九十三畝四十五步二分園地山地柴
山一千一百三十二畝三角四十七步砂岸三所屋二
座坊基四所

舊收米二百二十一石一斗六升六合穀四石錢九百
一十二寔六百八十七文十八界田地園山舊誌無畝
步郎孝祥沒官業係續添

見徵米折省斛米一百五十九石七斗六升三合七勺
五抄穀二十七石四斗二升二合小麥折省斛三十七

延祐四明志

卷十三

十三

石八斗五升八合六勺五抄長短礮巖祖錢中統鈔一
十定

上項祖鈔舊無之始於
元貞二年馮州判經理

屋宇

大成殿三間

講堂三間

造道進德存心成性四齋共八間

儀門三間

從祀廊屋一十間

祠堂一所

公厨一所

抄籍儒人五十戶

設官

學正一頁

延祐四明志

卷十三

五十四

延祐四明志卷十三